

14-Sept.-2026

आकाशवाणी

खबरां श्रुति खजूरिया कोला

खास-खास खबरां:-

1. प्रधानमंत्री नरेन्द्र मोदी होरें ब्रिक्स दे सारे सदस्य मुख्य दे नेताएं गी दिल्ली शिखर सम्मेलन गी सफल ते नतीजाकुल बनाने आस्तै आभार जताया।
2. गृहमंत्री अमित शाह होरें आखेआ जे 21 राज्यें च भाजपा दी अगुआई आहली NDA सरकारां 2029 थमां पैहले समान नागिरक संहिता UGC लागू करडन।
3. अज्ज मुख्य भरै च गणेश चतुर्थी पूरे उत्साह ते भक्ति भावना कन्नै मनाई जा'रदी ऐ।
4. मुख्य भरै अज्ज "हिंदी दिवस" मनाया जा'रदा ऐ।
5. भारत ने ओमान तट वाणिज्यिक पोत MT EL गाईया पर कल होए दे हमले दी सख्त निंदेया कीती।
6. धीरज बोम्मा देवरा विश्व कप दे फाइनल च व्यक्तिगत तौर पर सुन्ने दा तगमा हासल करने आहले पैहले भारतीय बने।
7. ते भारत नै महिला एशिया कप दा खिताब रिकार्ड 8मीं बारी अपने नांस कीता। भारत नै कल श्रीलंका गी दुबई च खेड्डे गेदे फाइनल च 72 रन्ज कन्नै हराया।

<><><><><><>

BRICS –PM

प्रधानमंत्री नरेन्द्र मोदी होरें ब्रिक्स दे सारे सदस्य मुख्यएं दे नेताएं दा दिल्ली शिखर सम्मेलन गी सफल ते नतीजाकुल बनाने आस्तै आभार जताया। दो-दिन दे शिखर सम्मेलन दे खास लम्हें गी दर्शाने आहला इक विडियो प्रधानमंत्री हुंदे सोशल मीडिया हैंडल पर पोस्ट कीता गेआ। वीडियो च प्रधानमंत्री हुंदे शिखर सम्मेलन भाषण दा इक अंश दस्सेआ गेआ, जेदे च उ'नें आखेआ हा जे ब्रिक्स दे राएं भारत नै कुल संसारी स्तह पर दोस्ती, सांझेदारी ते सहयोग गी अग्गे बदाया ऐ। भारत नै 12 थमां 13 सितम्बर 2026 गी ब्रिक्स शिखर सम्मेलन दी मेजबानी कीती, जेदे च समूह दे 11 सदस्य मुख्यें ते 10 सहयोगी मुख्यें दे नेताएं दे कन्नो-कन्नी अंतराष्ट्रीय संगठन हिससा लैता। मोदी होरें शिखर सम्मेलन दे दौरान खीरी त्रै दिनें च राश्ट्रध्यक्ष कन्नै 15 दबकखी बैठकां कीतियां।

<><><><><><>

नमीं दिल्ली च 18मां ब्रिक्स शिखर सम्मेलन कल सम्पन्न होई गेआ। प्रधानमंत्री नरेन्द्र मोदी होरें इस गल्ला पर जोर दिता जे ब्रिक्स दी विविधता गै इसदी पंछआन बनी रवै, सहयोग, प्रेरणा होए ते प्रगति मनुक्खता दे हित च योगदान देऐ। 2 दिन दे शिखर सम्मेलन दे अखीरी दिन समापन भाषण च प्रधानमंत्री होरें आखेआ जे ब्रिक्स छड़ा मुल्यें दा समूह नैई, सगुआ हल कड्डने दा इक तंत्र ऐ। उ'नें आखेआ जे पिच्छले 2 दिनें दी चर्चा नै इस भरोसें गी होर मज़बूत कीता।



HM NDA-UGC

गृहमंत्री अमित शाह होरें आखेआ जे 21 राज्यें च भाजपा दी अगुआई आहली NDA दियां सरकारां 2029 थमां पैहले समान नागरिक संहिता UGC लागू करडन। मुम्बई च पत्रकारें कन्नै गल्ल करदे होई उ'नें आखेआ जे कैई राज्यें च UGC लागू होई चुकी दी ऐ ते उनें'गी भरोसा ऐ जे 2029 थमां पैहले भाजपा- NDA शासित सारे 21 राज्यें च इसी लागू करी दिता जाग। शाह होरें आखेआ जे त्रै तलाक गी खत्म कीता गेआ, जेदे कन्नै मुस्लिम महिलाएं गी बरोबर दे हक्क थोई सकन। उ'नें आखेआ जे सरकार नै भारतीय न्यां संहिता राएं मुल्य दी अपराधिक न्या प्रणाली गी मज़बूत कीता ऐ ते दावा कीता जे कैई राज्यें च इक गै बरे च दोष साबित करने दी दर दे आंकड़ें च 30 फीसद दा बाददा दर्ज कीता गेआ। राष्ट्रीय सुरक्षा दी चर्चा करदे होई शाह होरें आखेआ जे दफा 370 ते 35-A गी बिजन कुसै विवाद दे हटाई दिता गेआ ते जम्मू-कश्मीर हुन पूरी चाली भारत दा अनन्य हिस्सा बनी चुके दा ऐ।



Ganesh Chaturthi

अज्ज पूरे देश च “गणेश चतुर्थी” दा त्योहार बड़ी श्रद्धा ते उत्साह कन्नै मनाया जा'रदा ऐ। एह दिन भगवान गणेश हुंदे जन्म दा प्रतीक ऐ, जेड़ा बुद्धि, समृद्धि ते सौभाग्य दा प्रतीक ऐ। इसी “विनायक चतुर्थी” जां “गणेश उत्सव” दे नांs कन्नै बी जानेआ जंदा ऐ। दस-दिनें तगर चलने आहलें इस उत्सव दी शुरुआत दा अज्ज पैहला ध्याड़ा ऐ। इस दौरान लोक अपने घरें च भगवान गणेश हुंदी मिट्टी दियां मूर्तियां स्थापत करदे न ते उन्दी पूजना करदे न। उत्सव दा समापन गणेश विसर्जन कन्नै कीता जंदा ऐ। मूर्तियें गी घरें ते पंडालें शा नदियें, झीलें जां समुन्द्रे तगर “गणपति बप्पा मोरिया” दे जयकारें ते भजन गांदें होई नचदे-टपदे लेता जंदा ऐ। “गणेश चतुर्थी” महाराष्ट्र च इक प्रमुख आकर्षण ऐ, जित्थे लोक इसी बड़े उत्साह कन्नै मनांदे न।



President –Greetings

राष्ट्रपति द्रौपदी मुरमू होंरें “गणेश चतुर्थी” दे मौके उपपर देशवासियें गी बधाई दिती ऐ। अपने स्नेह च उ’नें गलाया जे भगवान गणेश ज्ञान, समृद्धि ते शुभ शुरुआत दा प्रतीक न। एह त्योहार साहड़े जीवन च ऊर्जा, ज्ञान ते सकारात्मता आन्दा ऐ। राष्ट्रपति होंरें गलाया जे एह पवितर त्योहार सब्भनें दे जीवन च नरोई-सेहत, सुख समृद्धि ते शांति लेआये।



Hindi Diwas

अज्ज मुख बरै च “हिंदी दिवस” मनाया जा’रदा ऐ। 1949 च इससै दिन संविधान सभा नै देवनागरी लिपि च लिखी दी हिंदी गी मुखै दी आधिकारिक भाषा दे तौर पर अपनाया हा। अज्ज हिंदी दुनिया च सब्भनें थमां मती बोली जाने आहली भाषाएं चा इक ऐ ते 52 करोड़ थमां मते लोकें दी पैहली भाषा ऐ। केन्द्रीय गृहमंत्री अमित शाह अज्ज नवी मुम्बई च “हिंदी दिवस” कार्यक्रम ते 6में अखिल भारतीय राजभाषा सम्मेलन च शामिल होगंन। 2-दिन दे इस सम्मेलन च विद्वान, साहित्यकार, शिक्षाविद्, सांसद, वरिष्ठ सरकारी अधिकारी ते बक्ख-बक्ख क्षेत्रें च मन्नी-परमन्नी दियां हस्तियां इस गल्ला पर चर्चा करडन जे हिंदी गी राजभाषा, जन-भाषा ते सम्पर्क भाषा दे तौर पर विकसित करने कन्ने दुई भारतीय भाषाएं कन्ने एदा तालमेल कियां बढ़ाया जाई सकै।



Seva Sankalp -Abhiyan

गृहमंत्री अमित शाह होंरें प्रधानमंत्री नरेन्द्र मोदी हुंदी जन-सेवा दे 25 बरे पूरे होने दे मौके पर इक महीने दे राष्ट्रव्यापी “सेवा संकल्प अभियान” दी घोषणा कीती ऐ। एह अभियान जन-भागीदारी राएं 2047 तगर विकसित भारत दे निर्माण दे संकल्प गी मजबूत करने आस्तै 17 सितम्बर थमां 17 अक्टूबर तगर चलाया जाग। शाह होंरें आखेआ जे एह अभियान, भाजपा , NDA दे सहयोगी दलें, स्वयं सेवी संगठनें ते मुख्य भरें दे नागरिकें आस्सेआ आयोजित कीता जाग। एह अभियान हर राज्य, केन्द्र शासति प्रदेश, जिले, लोकसभा ते विधानसभा क्षेत्र ते बूथ तगर पजाया जाग।



India -Oman Vessel

भारत नै ओमान तट कश वाणिज्यिक पोत MT EL गाईया पर कल होए दे हमले दी सख्त निंदा कीती। ओमान स्थित भारतीय दूतावास नै दस्सेआ जे हून तगर चालक दल दे 13 भातीय सदस्यें गी बचाई लैता

गेआ ऐ। इक भारतीय दी तलाश जारी ऐ। दूतावास नै आखेआ जे ओह स्थिति पर लगातार नजर रखा रदा ऐ ते जारी खोज ते बचाव अभियान च ओमान दे अधिकारिये कन्ने सहयोग करा'रदा ऐ। दूतावास नै भारतीय नागरिके गी बचाने च सहयोग आस्तै ओमान दे अधिकारिये दा आभार जताया ऐ। भारत नै तनाव गी फौरी घट्ट करने ते क्षेत्र च शांति बहाल करने आस्तै गल्लबात ते कूटनीति दा रस्ता अपनाने दी अपील दोहराई।

<><><><><>

Archery

भारतीय तीरंदाज धीरज बोम्मा देवरा विश्व कप दे फाइनल च व्यक्तिगत तौर पर सुन्ने दा तगमा हासिल करने आहले पैहले भारतीय पुरुष रिकर्व खडारी बनी गे न। मैक्सिको च कल उ'ने जापान दे खडारी गी रोमांचक शूट-ऑफ च हराया। 25 बरे दे विश्व दे नम्बर 10 आर्मी खडारी धीरज नै क्वार्टर फाइनल च सेमीफाइनल च शानदार प्रदर्शन कीता।

<><><><><>

W T-20 Asia Cup

कल राती दुबई च खेड्डे गेदे महिला एशिया कप-2026 दे फाइनल च भारत ने शानदार प्रदर्शन करदे होई श्रीलंका गी 72 रन्जे कन्ने हराइये रिकार्ड 8मीं बारी एशिया कप दा खिताब अपने नांस करी लेआ ऐ। इस जित दे कन्ने भारत नै 2024 दे फाइनल च श्रीलंका शा मिली दी हार दा बदला बी लेई लैता ऐ। इक-रोजा मैच ते टी-20 दवै श्रृंखलाएं च एशिया कप दे फाइनल च श्रीलंका उप्पर भारत दी एह 6मीं जित ही, जेहदे च 2004 दा फाइनल बी शामिल ऐ। पैहले बल्लेबाजी करदे होई भारत ने 5 विकेटें दे नुकसान उप्पर 183 रन्ज बनाए। सलामी बल्लेबाज शेफाली वर्मा ते स्मृति मंधाना ने रिकार्ड त्रोट 129 रन्जे दी शानदार साझेदारी कीती। एहदे मगरा गेंदबाजे, श्रीलंका गी 19 ओवर ते 4 गेंदे च 111 रन्जे उप्पर ऑल आउट करी दिता। शेफाली वर्मा गी प्लेयर ऑफ द मैच चुनेईआ गेआ।

<><><><><>

IMD-Weather

मौसम विभाग नै गुजरात च बड़ी तेज बरखा आस्तै ऑरेंज अलर्ट जारी कीता ऐ। हरियाणा, चंडीगढ़, पंजाब, पूर्वी राजस्थान ते मध्य महाराष्ट्र च बी भारी बरखा दा अनुमान ऐ। पूर्वोत्तर राज्ये खास करी अरुणाचल प्रदेश, असम ते मेघालय च बी इस्सै चाली दा मौसम बने रौहने दी मेद ऐ। उत्तराखंड, आंध्र प्रदेश, कर्नाटक, तमिलनाडू, पुदुचेरी, कराईकल, केरल ते माहे च कल तगर गरज, बिजली ते तेज हवा चलने दे असार न।

बिहार, झारखंड, ओडिशा, तेलंगाना, पश्चिम बंगाल, सिक्किम ते अंडमान निकोबार द्वीप समूह च अज्ज गरज कन्नै बिजली मिलने दी संभावना ऐ। दिल्ली च अज्ज दपैहरी हलकी बरखा होई सकदी ऐ।

<><><><><><>